

بِسْمِ اللَّهِ الرَّحْمَنِ الرَّحِيمِ

إِنَّا لِلَّهِ وَإِنَّا إِلَيْهِ رَاجِعُونَ



UNE GUIDE LOR PRÉPARATIFS D'UNE
MAYYAT (FUNÉRAILLES)
D'APRES L'ENSEIGNEMENTS ISLAMIQUES

PRÉPARÉ PAR

MUNIR AHMAD AZIM

HAZRAT MUHYI-UD-DIN
AL KHALIFATULLAH

Par la Grâce d'Allah, Mo ena le plaisir pour présente ene livret lors bane préparatifs d'ene « Mayyat » (mortalité). La **JAMAAT UL SAHIH AL ISLAM** et moi-même espéré qui sa pour profitable pour banne frères et sœurs musulmans. Couma dans Quran Allah faire nous compran ki nous pas permanent lor ça la terre là, et nous tous pour bizin quitte ça le monde temporaire là ene jour. Nous couma ene voyageur dans ça le monde là !

نَحْنُ قَدَّرْنَا بَيْنَكُمُ الْمَوْتَ وَمَا نَحْنُ بِمَسْبُوقِينَ ﴿٦١﴾

« Nous fine décrète la mort pour zotte tous et pas pour capave empêche Nous ». (56 :61)

Rassool é Karim Hazrat Muhammad (s.a.w) dire « Donne ene mort so 'ghusul' (bain) bien ». Et dans lot place li dire « met so linceul bien comment bizin ». (**Abu Dawood**)

Prend en considération sa verset Quran et sa hadith là, nous conner ki l'enseignement là li pour nous tous et nous tous coner ki nous ena pour mort, mais beaucoup musulmans pas coner ki banne zaffaire bizin et comment prépare ene mort.

Alors pour résoudre sa problème là nous pour essaye donne l'explication comment prépare ene mort avant alle enterre li d'après principe Islamique. Insha-Allah, ça livret là pour être en plusieurs langues et pour ena encore plisse détails pour bane dimounes qui envie apprane préparation ene Mayyat.

Nous espéré ki tous frères et sœurs pour comprendre et pour servi ça banne explications là comme ene guide et pour mette li en pratique kan l'occasion présenté.

Jazakumullah
Hazrat Amir'oul Momeneen Muhyi-ud-Din
Al-Khalifatullah,
Munir Ahmad Azim

9 Juillet 2008

ENE GUIDE LOR PRÉPARATIFS D'ENE MAYYAT (FUNÉRAILLES)

QUELQUES CONSEILS

(i) Bane membres de la famille d'ene mort, bizin lire ça dua là : « *Allahumagh firli lahu wa a'quibni minhou uqbann hasanah* ». Traduction : « Oh Allah, pardonne moi et pardonne li et accorde moi ene meilleur récompense ». **(HADITH MUSLIM)**

(ii) Duahs pour bane ki fine apprane qui ene quelqu'un fine mort :

(1) « *Inna lillahi wa inna layhi raajioune* ». Traduction : « Sans doute nous pour Allah et nous ena pour retourne vers Li. **(HADITH TIRMIZI)**.

(2) « *Inna lillahi wa inna layhi raajioune. Allahumma' jurnee fee musweebatii wakhlif lee khairam minhaa* ». Traduction : « C'est à Allah ki nous appartenir et c'est vers Li ki nous pour retourner. O Allah ! Récompense-moi pour ça malheur là et accorde-moi ene meilleure récompense ». **(HADITH MUSLIM)**.

(iii) Demande bane duahs en so (le mort) faveur. Par exemple :

« *Allahoummagh firlee wa lahou* » - O Allah ! Pardonne-moi et pardonne-li. **(HADITH AHMAD)**

(iv) Dua pour bane ki alle dans ene la cage ki ena 'mayyat' :

« *Allahumagh firli (mentionne le nom du défunt) warfa' darajatahu fil mahdeeyiina waklufhou fii aquibihi fil ghabiriina waghfirlana wa lahu ya Rabbal' alameen wafсах lahu fii quabrihi wa nawwir lahu fiih* »

Traduction : « O Allah pardonne (mentionne le nom du défunt) donne li ene rang élevé parmi bane se ki To fine guider et vine chef de ça bane ki li fine quitter. O Maître de l'Univers ! Pardonne nous et pardonne li et élargit so tombe et mette la lumière là-dans ». **(HADITH MUSLIM)**

(v) Quand ene dimoune mort, nous cause bon causer pour li et nous demande duahs afin ki Allah pardonne li. **(HADITH SUNAN ABU DAWOOD)**

(vi) Cuit manger envoie dans la cage kot ena mortalité, parce ki zotte dans difficulté et zotte pas pour ena le temps. **(HADITH SUNAN ABU DAWOOD)**

(vii) Si ene dimoune fine mort et li ena dette, li bon ki faire démarche rembourse so dette. **(HADITH TIRMIZI)**



TITRES

- (1) TALQEEN.**
- (2) KI NOUS BIZIN FAIRE QUAND ENE DIMOUNE FINE MORT.**
- (3) KI SANLA CAPAVE DONNE 'GHUSUL' (BAIN) ENE DIMOUNE MORT.**
- (4) COMMENT DONNE 'GHUSUL' (BAIN) ENE DIMOUNE MORT.**
- (5) 'KAFAN' (LINCEUL)**
- (6) COMMENT PREPARE 'KAFAN' (LINCEUL) POUR HOMME.**
- (7) COMMENT PREPARE 'KAFAN' (LINCEUL) POUR DAME.**
- (8) COMMENT METTE 'KAFAN' (LINCEUL) HOMME.**
- (9) COMMENT METTE 'KAFAN' (LINCEUL) DAME.**
- (10) LE SALAAT-UL-JANAAZAH**
- (11) LE SALAAT-UL-JANAAZAH D'ENE Z'ENFANT**
- (12) QUELQUES HADITHS APRES NAMAZ JANAAZAH**
- (13) COMMENT BIZIN SARYÉ ENE JANAZA**
- (14) TAZIAT (RENDRE VISITE)**

(1) TALQEEN.

- 1) La Signification de Talqeen c'est pour rappel à Mutazar pour réciter le Kalima.
- 2) Mutazar c'est une dimoune kot so l'âme prêt pour quitter li; li dans l'agonie de la mort et nous capave remarquer ki li prêt pour mort.
- 3) Alors le signe ki paraît kan la mort là proche :
 - (a) Partie bas de so zoreilles commence ramasser, tomber.
 - (b) So respiration vine difficile et li essoufflé vite.
 - (c) Li gagne difficulté pour respirer.
 - (d) So la jambe vine faible et li pas capave bouger.
 - (e) So néné ena ene tendance pour pencher.
- 4) Ki nous bizin faire kan nous trouve ene situation pareil :
 - (a) Nous bizin allonger ça dimoune là lor so côté droite et faire li faire face au Qibla et nous coupe so z'ongles si li longue.
 - (b) Nous capave mette li allonger lor so lédos, avec so lipié ki faire face direction Qibla, et li nécessaire pou nou soulève so la tête. Au cas contraire, si li pé gagne difficulté pou bouger, nous capave laisse li dans n'importe ki position li été.
 - (c) Ça moment là, tous bane dimoune ki présents autour de li, bizin réciter doucement le Kalima.
 - (d) Aussitôt ki ça dimoune ki pou mort là li réussi prononce le Kalima avec ene zeffort, alors tous bane lézot bizin arrête lire le Kalima. Et lerlà, ki commence lire le Surah Yasin doucement (dans ene la voix assez bas) pour appaize ça souffrance kot so l'âme pour quitter ça cadavre là.

(2) KI NOUS BIZIN FAIRE QUAND ENA DIMOUNE FINE MORT.

- (i) Nous capave embrasse ça mort là (lors so front). **(BUKHARI)**
- (ii) Si so li yeux ouvert, bizin ferme li. **(SUNAN ABU DAWOOD)**
- (iii) Si le mort éna fausses dents, nous retire li et nous enlève aussi tous bane bijoux ki trouve lors li.
- (iv) Plus vite ki possible, nous bizin ferme la bouche de ça mort là en serrant so la mâchoire avec ene la toile enroulée autour de so la tête et so menton et nous faire ça mort là so le corps, so la main, li pied vine droite. Si li pas droite et nous tarder pour dresser li, le corps là pour vine dur et li pour impossible pour dresser li.
- (v) Nous attache so deux pouces li pieds ensemble avec ene ruban pour ki li pieds là reste droite.
- (vi) Nous mette le corps (cadavre) là lors ene natte.
- (vii) Nous couvert complètement le corps là avec ene drap. **(SUNAN ABU DAWOOD)**

(viii) Faudé pas nous lamenter (crier et ploré fort) ou agir par désespoir.

(ix) Li permettre pour laisse nous larmes couler silencieusement tout en nous soumettant à la volonté d'Allah.

(x) Nous contigne dire nék bane bonnes paroles, tels que ça duah là:

“Allahummaghfirhu! Allahummaar hamhou!” – Ki Allah pardonne li (le mort)! O Allah! Accorde-li To Grâce!

(3) KI SANLA CAPAVE DONNE 'GHUSUL' (BAIN) ENE DIMOUNE MORT.

(i) Le mot 'ghusul' veut dire baigner. Pour baigne ene mort, bizin ki sexe feminin baigne sexe feminin et sexe masculin baigne sexe masculin sauf ene femme capave baigne so mari et ene mari capave baigne so madame (**Ibne Maja**) et parent capave baigne fille et garçon ki avant l'âge de puberté.

(ii) Li pour meilleur si ça dimoune ki fine mort là, so parent même baigne li, si li pas capave, préfère ki li demande aide à so bane famille proche et de ça façon là si sa mort là ena kit défaut ou maladie li pour reste entre famille la même.

(4) COMMENT DONNE 'GHUSUL' (BAIN) ENE DIMOUNE MORT.

(i) Avant ki donne 'ghusul' (bain) ça mort là, nous bizin amène :

(a) un peu feuilles maçon, 2 ou 3 kanf, ene récipient ki quand fini bouilli feuilles maçon la, nous déverse li là dans, ene gobelet et savon.. (Les détailles trouve dans No.3 (ii)

(b) Environ 4 boute la toile. Ene pour couvert so parti privé le temps pour donne li so 'ghusul' (bain). 2^{ème}, quand fini baigne li ou capave couvert so parti privé et le reste la toile pour servi pour faire le gant pendant ki pou donne li so 'ghusul' (bain).

(c) Ene serviette ou ene tissu propre pour quand fini baigne li capave souille so le corps.

(d) Ene drap pour quand fini baigne li, souille li et couvert so parti privée, ler là nous couvert li avec sa drap là.

Nous bouille ene bon quantité de l'eau avec feuille maçon*.

Nous vide li dans ene récipient pour nous capave baigne ça mort là bien. Nous capave baigne li 3 fois ou plus afin ki li vine propre. Dernier portion de l'eau ki nous pour servi nous met kanf* craser. (**SUNAN ABU DAWOOD**)

*FEUILLE MAÇON: li préserve sa le corps là et li empêche li décomposer.

*KANF : li empêche le corps décomposer et li empêche le corps là gagne l'odeur.

BANE DETAILLES

- (a) Li meilleur ki ene deux membres de la famille ou familles proche ki même sexe are sa mort là, donne coup de main pour baigne li.
- (b) Nous met mort là lors place ki nous fine faire pour baigne li, nous tourne so visage côté Qibla.
- (c) Nous retire so linge, ou soit nous coupe so linge avec l'aide ene ciseau. Apres nous couvert so parti privée.
- (d) Nous presse so vente dans ene façon ki si ena gaz et malpropretés li pour sorti.
- (e) Nous mette ene le gant en toile dans nous la main gauche, nous nettoye li et nous lave so parti privé avec savon.
- (f) Nous faire so Wuzu. Puisque nous pas capave mette de l'eau dans so la bouche, dans so narine et dans so oreilles alors avec la toile nous prépare neuf (9) la mess pour facilite nous travail. Nous servi 3 la mess pour nettoye la bouche, 3 la mess pour nettoye so narine et 3 la mess pour nettoye so oreilles.
- (g) Nous baigne li en grand. Ki veut dire nous met ene le gant dans la main droite toujours avec la toile, nous allonge mort là du côté gauche pour nous capave lave so côté droite, nous jette de l'eau lors so la tête jusqu'à so li pied et nous savonne li et lave li bien avec de l'eau maçon. Apres ki nous fine fini lave so côté droite, nous tourne mort là du côté droite pour nous capave lave so côté gauche pareil. Nous faire ça 3 fois ou plus afin ki li vine propre. Pour terminer nous baigne li ene dernière fois avec de l'eau kanf. Maintenant 'ghusul' fine terminer.
- (h) Nous souille le corps là avec ene serviette ou ene tissu propre.
- (i) Nous couvert so parti privé après nous couvert li avec drap.
- (j) Nous amène le corps là dans ene la chambre, nous pose li en bas lors ene natte.

A noter ki pour ene sexe féminin li pareil sauf nous divise so cheveux en 3 parti avec l'aide ene peigne, nous lave so cheveux et so la tête bien, puis quand fini baigne li et fini souille li, nous rédivise so cheveux en 3 parti, nous envoye li lors so le dos. **(BUKHARI)**

(5) 'KAFAN' (LINCEUL)

- (i) 'Kafan' c'est ene la toile ki nous faire li vine plusieurs façon, pour enveloppe ene mort.
- (ii) Meilleur couleur la toile pour faire 'Kafan' (linceul), c'est la toile ordinaire couleur blanc.
- (iii) En cas difficulté, nous capave faire 'Kafan' avec ene seul tissus même si li court, nous couvert so la tête jusqu'à côte li arriver, le reste nous couvert avec l'herbe.
- (iv) Ene dimoune ki fine 'Shaheed', nous enterre li avec so linge du sang même.
- (v) Ou capave prépare ou propre 'Kafan' ou garder d'avance.
- (vi) Noms bane tissus ki nous préparer pour faire 'Kafan' (linceul) :

(a) Pour homme :

- (1) '**IZAAR**' (tissus ki couvert parti privée)
- (2) '**CHADAR**' (drap) et '**TEHBANDH**' (ceinture) (3) '**QAMEEZ**' (chemise),

(b) Pour dame :

- (1) '**IZAAR**',
- (2) '**KURTA**' (robe)
- (3) '**SARBANDHAN**' (orni)
- (4) '**CHADAR**' (drap) et '**TEHBANDH**' (ceinture)
- (5) '**SINABANDH**' (tissus ki couvert poitrine)

(ii) à (vi) *trouve dans hadith Sunan Abu Dawood.*

(6) COMMENT PRÉPARE 'KAFAN' (LINCEUL) POUR HOMME.

(i) **IZAAR** : Nous prépare ene la toile ki nous capave enveloppe so parti privé jusqu'à so le rein.

(ii) **CHADAR** et **TEHBANDH** :

(a) **CHADAR** (drap): Nous bizin prend 60cm la toile plus longue ki mort là, ki veut dire si mort là so longueur donne 1m80cm, nous pour bizin prend 2m40cm la toile. Maintenant dépend longueur li bon, mais lors largeur li pas assez parceki nous gagne sa banne tissus là lors ti largeur, ki veut dire 90cm de

large. Alors là au lieu nous prend 2m40cm, nous prend 4m80cm, nous doubler la toile la lors longueur, nous coupe li en deux, puis nous coude li lors largeur pour li vine ene grand drap de 2 m 40 cm lors longueur et 1m80cm lors largeur.

(b) **TEHBANDH** (ceinture) : Ça ceinture là nous retire li dans bord drap la so longueur. Quand fini enveloppe li avec drap; ler là attache so vente avec sa ceinture là et quand pour alle cimetièrè, avec l'aide sa ceinture là même pour capave descend le corps là dans Qabarr (tombe).

(c) **QAMEEZ** (chemise) : Pour bizin tissus, de so épaule jusqu'à après so genoux deux fois (ki veut dire face devant et derrière). Nous doubler li lors longueur, puis nous coupe tissus là au milieu (ki veut dire l'encolure) dans ene façon cote dimoune la so la tête capave rentre facilement. Ça chemise là péna la manche, péna poche ni bizin coude.

(7) COMMENT PREPARE 'KAFAN' (LINCEUL) POUR DAME.

(i) **IZAAR** : Nous bizin prend tissus pour capave enveloppe so la jambe et so parti privée bien et capave enveloppe li jusqu'à so poitrine.

(ii) **KURTA** (robe) : Nous bizin prend mesure z'épaule jusqu'à cheville. Nous prend 2 fois ça longueur la, (ki veut dire face devant et derrière) nous doubler li en longueur puis nous coupe la toile là au milieu (ki veut dire l'encolure) dans ene façon cote madame là so la tête capave rentre facilement. Sa robe là, li sans manche, sans poche et pas bizin coude.

(iii) **SARBANDHAN** (orni) : Nous bizin prend ene grand orni ki capave couvert so la tête jusqu'à poitrine.

(iv) **CHADAR** (drap) ET **TEHBANDH** : Li pareil comment mo fine mentionner pour homme.

(v) **SINABANDH** : Ene quantité tissus ki capave enveloppe so poitrine bien jusqu'à la jambe. Ki veut dire pareil comment 'izaar'.

(8) COMMENT METTE 'KAFAN' (LINCEUL) HOMME.

(i) Nous ouvert 'CHADAR' en grand, nous mette li lors natte. Quand pose le corps, pose li au milieu drap.

(ii) Nous met 'QAMEEZ' lors drap. Ki veut dire nous ouvert chemise là, nous pose li lors drap là dans ene tel façon ki quand le corps la, so le dos pose dans chemise là so face le dos, so la tête vine dans l'encolure et chemise là so face devant pour vine là haut so la tête pour le temps faire so la tête rentre dans l'encolure, so face devant pour vine lors so le corps devant.

(iii) Nous mette 'IZAAR' lors 'QAMEEZ'. Ki veut dire nous ouvert 'IZAAR'. Nous tale li lors chemise dans ene tel position ki quand le corps là pour lors là, nous pour gagne facilité pour enveloppe so parti privée.

(iv) Maintenant nous pose le corps là lors 'KAFAN' ki nous fine bien installer.

(v) Nous enveloppe so parti privée jusqu'à so le rein avec 'IZAAR'.

(vi) Nous faire li mette so 'QAMEEZ' ki veut dire nous faire so la tête rentre dans l'encolure ici nous ti faire dans tissu là, puis le reste tissus chemise là ki veut dire chemise là so face devant, nous envoie li lors so le corps devant.

(vii) Apart so visage nous enveloppe so le corps bien avec 'CHADAR' (drap). Nous commence à côté gauche puis côté droite, et ça drap là bizin dépasse environ 30cm côté la tête et 30cm côté li pied.

(viii) Nous parfume linceul la avec ene parfum. Rassool Karim (s.a.w) conseil nous pour servi parfum Musk (**Sunan Abu Dawood**).

(ix) Nous prépare 2 rubans. Avec 1^{er} ruban nous attache ça 30cm ki en plus côté so li pied, et 2^{ème} ruban nous pour servi pour attache 30cm ki en plus côté la tête quand dimoune fini guette visage dimoune mort la.

(x) Nous prend 'TEHBANDH' (ceinture), nous passe li en bas le corps là pour attache so vente.

(xi) Là nous fine fini prépare ça mort la. Maintenant nous pose li lors ene natte dans ene la chambre pour dimoune capave guette figure et après capave installe li pour faire Namaz Janaza puis alle enterre li dans cimetièr.

(9) COMMENT METTE 'KAFAN' (LINCEUL) DAME.

- (1) Nous ouvert 'CHADAR' (drap) en grand, nous tale li lors natte.
- (2) Nous mette so 'KURTA' (robe) lors drap, ki veut dire nous ouvert li pareil comment fine mentionner pour 'QAMEEZ' (chemise) homme dans numéro 7-(ii).
- (iii) Nous ouvert 'SINABANDH', nous pose li lors 'KURTA' (robe) dans ene tel façon, cote le temps le corps la pour lors là, nous pour gagne facilité pour enveloppe so poitrine jusqu'à la jambe.
- (iv) Nous ouvert 'IZAAR', nous pose lors 'SINABANDH', pareil comment nous fine pose 'SINABANDH'.
- (v) Maintenant nous pose le corps là lors 'KAFAN' (linceul) ki nous fine bien installer.
- (vi) Nous enveloppe so parti privée avec 'IZAAR' ki veut dire nous enveloppe la jambe jusqu'à poitrine.
- (vii) Avec 'SINABANDH' nous enveloppe so poitrine jusqu'à la jambe bien.
- (viii) Nous faire so la tête rentre dans l'encolure 'KURTA' (robe) là, puis le reste tissus là pour vine lors so le corps devant.
- (ix) Avec 'SARBANDHAN' (orni), nous enveloppe so la tête et nous couvert so l'estomac.
- (x) Avec 'CHADAR' (drap), nous enveloppe le corps là bien pareil comment fine mentionner pour homme dans numéro 7-(vii).
- (xi) Pour parfume linceul et pour attache ruban et TEHBANDH nous faire li pareil comment pour homme ki nous fine mentionne: dans numero 7-(viii), (ix) et (x).

(10) LE SALAAT-UL-JANAAZAH

1. Faire Wuzu si c'est nécessaire (si ou wuzu pas fine casser).
2. Tourne-ou (avec les autres dans congrégation) vers le Qiblah.
3. Faire l'intention faire le Salaat-ul-Janaazah.
4. Lire après ki le Imaam fine lire Takbeer-e-Tahreemah, en disant Allahu Akbar, ou lève ou deux la mains jusqu'à z'épaules ou z'oreilles pareil couma ou habitué faire pour ou bane les autres salaat. Ensuite ou pose, sous le nombril, la main droite lors la main gauche.
5. Récite le **Thana** et Surah Al-Fatiha:

« *Subhaanakallahumma wabihamdika wa tabarakasmuka wa ta'aa-laa jadduka walaa ilaaha ghayruka* » - (Tout gloire pour Toi, O Allah ! et tout louange pour Toi. To nom li béni, To majesté li exalté. To louange li exalté et personne aparte Toi digne pour être adoré).

6. Ensuite Imaam pour redire ene deuxième Takbeer 'Allahu Akbar'.

7. Lire le Darood Ibrahim :

« *Allahoumma' swalli alaa Muhammad wa alaa aali Muhammad, kamaa swal layta 'alaa Ibraahim, wa aala aali Ibraahim, innaka hamiidum Majiid.* »

Allahoumma' baarik alaa Muhammad wa alaa aali Muhammad, kamaa baarakta 'alaa Ibraahim, wa aala aali Ibraahim, innaka hamiidum Majiid. »

O Allah, verse To Bénédiction lors Mohammad (s.a.w) et lors so famille pareil couma To fine verse To Bénédiction lors Ibrahim (a.s) et lors so famille. Assurément To digne de louanges sans limites.

O Allah, accorde To bane Bénédiction lors Mohammad (s.a.w) et lors so famille pareil couma To fine accorde To Bénédiction lors Ibrahim (a.s) et lors so famille. Assurément To digne de louanges sans limites.

8. Ensuite suivre Imaam kan li faire ene troisième takbeer en disant : « Allahu Akbar » et récite (duah Janaazah) :

« *Allahummagh fir lihayyinaa wa mayyitinaa wa shaahidinaa wa ghaaibinaa wa swaghiirinaa wa kabiirina wa zakarinaa wa ouunçaanaa ; Allahoumma man ahyaytahou minnaa fa-ayyihii 'alal Islam.* »

Wa man tawaffaytahou minnaa fatawaffahou ‘alal Imaan. Allahoumma laa tahrimnaa ajrahou walaa taftinnaa ba’dahou ».

Traduction : « O Allah ! Pardonne à bane parmi nous ki vivants, bane ki morts, bane ki présents, et bane ki absents, nous bane jeunes et nous bane vieux, nous bane hommes et nous bane femmes.

O Allah ! Celui ki To garde vivant parmi nous, faire li vivre dans l’islam, et celui à qui To donne la mort, faire li mort avec la foi en Islam.

O Allah ! Pas prive nous de la récompense et pas égare nous après li. »

9. Ensuite Imaam pou dire ene quatrième fois « Allahu Akbar ». Après ça quatrième takbeer là, suivre le Imam et tourne ou visage pour faire le salaam à droite et à gauche.

(11) LE SALAATUL-UL-JANAAZAH D’ENE Z’ENFANT

Le Salaat-ul-janaazah d’ene z’enfant li pareil couma celui d’ene grand dimoune. Mais seulement, après le troisième Takbeer, nous faire ça duah supplémentaire :

« Allahoummaj ‘al hulanaa salafan wa faratan wa ajraa »

(O Allah ! Faire li vine l’avant-coureur de To bonté, éclairant le chemin pour so bane parents et faire qui li ene signe de récompense pour zotte).

Éna ene hadice concernant Namaz Janaazah pour bane z’enfants kot bizin, kot pas bizin faire et pour ki bizin faire. Mo pou cite zot ça hadice là :

Ibn Shihaab pé raconté : Namaz Janaza bizin faire pour chaque z’enfant même si li ti ene garçon ene prostitué parcequi (garçon là) fine né avec ene vrai croyance de l’Islam, (c’est-à-dire pas prié personne excepté Allah). Si so parents Musulman, pli particulièrement le papa, même si so maman ti ene non-Musulmane, et si li (l’enfant) après ki fine délivré (né) crié (même ene coup) avant so la mort (c’est-à-dire né vivant) alors Namaz Janaza bizin faire. Et si l’enfant pas crié après ki fine délivré (c’est-à-dire né-mort) alors Namaz Janaza pas bizin faire et li pour être considéré comme ene perte. Comme Abu Huraira (r.a) fine rapporté ki le Prophète (s.a.w) fine dire : ‘Chaque z’enfant né avec la foi (c-à-d, pas prié personne à part Allah) mais so bane parents converti li au Judaïsme ou la Chrétienté ou le Magaintisme pareille couma ene z’animeau délivré ene baba z’animeau parfaite. Estceki to trouve li mutilé ? Ensuite Abu Huraira (r.a) récite ça verset là :

‘... Selon nature ki Allah fine donne z’homme kan li fine crée (zotte)’. (Surah 30, Verset 30)

(12) QUELQUES HADITHS APRES NAMAZ JANAAZAH

(1) Abu Huraira (r.a) fine rapporté ki le Prophète (s.a.w) fine dire : ‘Faire vite avec le corps mort parce ki si li ti bon ou pé amène li dans ene bon place et sinon alors ou pé débarrasse ene mauvais kitchose dépi lor ou z’épaules’. **(HADITH BUKHARI)**

(2) Abu Huraira (r.a) pé raconté qui le Prophète d’Allah (s.a.w) fine dire : ‘Celui ki présent dans ene procession funeraile juska li offert Namaz Janaza pour ça (li) pour gagne ene récompense égal à ene Qiraat et celui ki accompagne li juska enterré pour recevoir ene récompense égal à deux Qiraat’. Fine demandé : ‘Qui été deux Qiraat ?’ Li (Hazrat Muhammad (s.a.w) fine reponde : ‘Comme deux montagnes bien grands’. **(HADITH BUKHARI)**

(3) Abu Huraira (r.a) pé raconté qui le Prophète d’Allah (s.a.w) ti éna l’habitude invoke Allah ainsi : *« Allahumma innii a’udhu bika min adha bil-Qabr, wa min adhaabi-n-naar, wa min fitnati-l-mahyaa wa-l-mamaat, wa min fitnati-l-masih ad-dajjaal »*. (O Allah mo cherche protection avec Toi contre punition dans Qabar (tombe) et contre punition dans l’Enfer et contre les grands difficultés de la vie et de la mort et contre grand difficulté de Al-Masih Ad-Dajjaal). **(HADITH BUKHARI)**

(13) COMMENT BIZIN SARYÉ ENE JANAZA.

- 1) Si dimoune mort là li ene adulte, Janaza bizin transporter lor z’épaules quatres missiés, et si li ene zenfant (ou bébé) capave transporte li dans lébras.
- 2) Tous saki pé saryé Janaza bizin lire « Bismillah » et puis Kalima Shahadat.
- 3) Kan nous saryé le Janaza, la tête bizin devant.
- 4) Kan nous saryé le Janaza, capave passe tour pou saryé cadavre là avec ene lotte dimoune, après ki li fine faire quarante (40) pas. Et li bizin applique tour de rôle :
 - (a) Saryé le Janaza en commençant de côté devant, à ou gauche, puis après par derrière partie gauche même en comptant dix (10) pas.
 - (b) Kan fine fini avec côté gauche, maintenant alle de l’autre côté (côté droite) et répète même zaffaire ki ou fine faire pour côté gauche.
- 5) Pas gagne droit marche devant ene Janaza.
- 6) Personne pas bizin assizé avant ki fine dépose Janaza là enba. Ena exception zis pour bane ki malades.
- 7) Ça moment là, faudé pas cause bane causer mondaines, mais bizin récite le Kalima beaucoup.

(14) TAZIAT (RENDRE VISITE).

1. Taziat veut dire ki ou sympatizé avec la famille ki en deuil de ça dimoune mort là.
2. Le prophète (s.a.w) fine dire ki bizin console et apporte soutien à ene Musulman ki dans malheur.
3. Le prophète (s.a.w) fine aussi dire ki celui ki console so prochain ki dans malheur ou en détresse, alors li pour récompensé autant pareil couma celui ki fine passe par ça malheur là.
4. Kan rendre visite la famille :
 - (a) Nous bizin bien humble.
 - (b) Nous bizin exprime nous chagrin et nous la peine.
 - (c) Nous bizin cause moins bane kitchoses mondaines.
 - (d) Nous bizin pas faire bane plaisanteries ni riyé fort fort.
 - (e) Nous bizin faire éloges de ça dimoune mort là so bane bonnes actions.
 - (f) Kan nous trouve ça malheur là fine arrive ene dimoune, kot ena deuil ou en détresse, nous lire ça duah là : « *Alhamdoulillaahil lazi afani mimmab talak wa fadwalani aala kathirinn mimmann halaqa tafwilann* »



Voilà un peu ce ki mo fine capave expliquer lors préparation ene mayyat. Pour conclure, c'est qui li ti pour bon si zotte au courant de sa banne détailles là puisque ler là zotte pas pour gagne difficulté pour prépare ene mayyat si ena lieu chez ou, ou même si quelqu'un fine demande ou ene aide pour prépare ene mayyat. Qui li soit so 'ghusul', so 'kafan' etc... ou pour déjà ena banne détails là.

JAZAKUMULLAH

